

劍川州志

劍川州志

明詩

五言古

望雪山詩

進士浙江布政使馬

卿河南林縣

昔登雁門雪奇勝不可狀
玉笋插青霄瑤華疊屏障
南來越貴陽玄冥值時王
曉行雪千山滄海漲銀浪
平生山水癖遠竄慰清况
行行入滇南風境漸夷曠
僕夫指遙天雪山正西向
千里見纖毫削出圭璧樣
涉洱復歷鄧參差白蓮放
鶴川餘百里清爽若為傍
群山闢蒼蒼標出幾千丈
四時當漬雪炎口口寒嶂

圖經闕雖舊形勢覽茲創乃知向來觀未盡天下狀
是時曉色鹿煙嵐淨消蕩粉圖橫碧虛三峯落天上
初疑墮玉龍首脊奮昂抗又如玉殿開西帝列仙仗
我我孰與並皜皜莫能尚盛夏天風來冰華遠飄颻
暑雨愁鬱蒸借此却蠻瘴屹然一柱立撐天力何彊
翠黛俯巒岼皓顛丈人行瑤臺在何許秀發或未讓
太極播元化陰陽互摩盪聚高結山岳九岡亦何亢
斧鑿了無痕大巧孰為匠坤靈不愛寶萬仞積瓊珣
崑崙群山宗五嶽吾所仰清淑會神州佳氣餘潏潏

名山表南海理亦獲其當恨不移中原徒重蠻夷望
我欲倩夸娥違天恐成妄物情遠為貴西鄰孔猶諒
何當登其巔北眺寄所暢舊隱邈隆慮翻以一惆悵
翛然忽冲舉群仙導前鄉排雲造帝居萬宇回春盎
玄黃露圓方大壑杯中漾茲山記一卷大空浩無量

七言古

送楊子大年老居山採藥

庶吉士
御史

李元陽

大理

劍川西有老居山世傳為太上仙蹟四面係
麗蘭雲龍之界其東為流沙河古德詩云七
雄天下亂如麻四海無人得坐家老氏亦尋
西竺去故將徐甲渡流沙豈其事歟君今採

藥其處當
一訊之

知君興在烟霞表儒服岩居事幽討辭予北去老君
山千崖萬壑桃花曉環山七十二龍潭一一潭邊要
身遶丹梯翠壁剩經過靈洞花源閑窈窕我憐君子
風骨竒蟠胸星斗人不知下筆風雲有餘思廿年獲
落甘茅茨自我得君猶恨遲神閑氣靜凌雲姿相看
把袂但長笑世上紛紛徒爾為君今採藥復幾時深
兔倘是仙人期我聞洞天三十六近在人間人莫窺
金匱仙書秘靈訣石田雲谷生瓊芝君有仙才自應

遇一杯石髓甘如飴
斧柯木爛尋歸路
須知日叔滄
桑移清都太乙思
長往甚矣吾衰增
慨慷安得天風
吹我衣相從騎鶴
崑崙上

石寶中岩

李元陽

路入中岩一逕斜
驚看石上放蓮花
石獅掉尾欲奮
迅遊客不進僮奴
譁石麟石象常被
甲洞中彷彿神
仙家至今石榻雙
明燭陰雨時時起
赤霞拄杖更升
高頂望石城石壘
何又邪奇形異狀
不可喻說向塵
寰總屬誇愁雨石
人常擁蓋洗頭玉
女未成髻米生

下拜坡翁惜詭恠視此安能加跬步之間有奇玩左
瞻失石時咨嗟村嫗嘖嘖樵夫問可能輦致大官衙
噫嘻此寶世無價珊瑚玉樹空泥沙補天當日應遺
剩番取人間說女媧

登石寶山

李元陽

劍海西南石寶山凌風千仞猿猱攀岩唇徃徃構飛
閣石窟層層可開闌恍疑片雲天上落五丁把住留
人間霜痕雨湣石色古璆琳琅玕何足數老藤穿石
掛虛空欲墮不墮寒人股

輓段恭節

狀元劉理順 雍上

抗節力續成仁譜砥柱狂瀾非小補劍叢格格灑忠
魂穿透桐梁山上土君不見張巡許遠保睢陽孤城
百戰困江防氣吐逆烟齒盡裂僕妾甘完介士觴又
不見杲卿倡義起常山晝夜環甲鬚眉班瞋目踞地
數逆賊我身刃鋸如等閒人生獨此浩然氣古今南
北各無二祠中應藏先世笏蠻貊望之肅然惕

前題

陳

纁

楚鄴

孤忠峻節巍如山試問當年孰可班慷慨為君尋古

史睢陽張與常山顏殉國以身由來有烈萃一門誠
非偶令妻賢母及雙姑子僕一日同陽九忠孝穀貽
付厥後藐孤毅然露章奏詔贈天卿下劍川夜臺千
載常如畫朝廷特重死封疆寵錫金吾俾世昌燦燦
錦裳依帝袞殊恩原以報非常臣節君恩兩不辜名
光簡冊重吾儒千年上國祠前樹夜夜紅鴟泣大夫

五言律

石寶山

狀元
修撰楊

慎
成都

人境猶圖畫，禪宮已劫灰。
馱經白馬去，聽法紺蛙回。
石寶金銀氣，花林錦繡堆。
登臨興不盡，松壑暮濤哀。

中山

楊慎

刻畫天人界，宮堯雲錦屏。
雁王曾獻果，蛙石解聞經。
花點金山紫，雲連雪嶽青。
遼天高頂望，獨鳥下滄溟。

海面魚燈

推官
于大節
仕丘
進士

斜日下林丘，疎燈點岸頭。
驪珠明遠浪，螢火亂孤洲。

見影初疑月鳴榔始識舟
鮫人應不寐漁叟夜垂鉤

郊邊牧笛

于大節

芳草日遲遲笛聲何處吹
梅花零白雲楊柳折青絲
慘切初聞處悠揚忽斷時
牧童牛背樂遊子不勝悲

題石寶山

本府知府前翰林
吉士左都御史

馬卿

石寶高岑秀青天一柱撐清輝
應蘊玉空響若聞笙
近俯群峯小遙瞻四海平
山靈知我至為借彩雲迎

秋葉贈給諫楊夢蒼

滇學憲

楊師孔

秋葉有佳趣遲遲點玉山
飄來輕似舞落去意偏閒

逐水斜栽陣經霜巧作顏御溝無意緒芳勁襯雲還

積慶觀紫薇花

進士太僕卿何可及
郡人

紫綬花何蚤天恩此處濃嘉名應列宿雅艷對芳叢
合抱情非昵點頭性自空山僧誰是伴獨坐省郎中

滿賢林

舉人趙炳龍
郡人

列嶂千尋起懸岩百仞雄雲飛疑石走霞歛覺山空
竹覆普陀岸梅遮大梵宮此時逢少室何事問崆峒

登郡城南樓

趙炳龍

百雉起樵樓煙光四望收臺非承露迥簷共摘星浮

千嶂空如畫兩湖常似秋薰風拂面處流水意悠悠

中山聯句

龕壁存龍樹

升菴

扁巖即雁堂石鱗風動甲

中谿
苔

鬣水浮香興發追隨盡

升菴

冥搜步履長何由跨笙

鶴

中谿

歷歷經重岡

升菴

七言律

玉龍晴雪

錄八景之六

進士本府知府王

珉 錢塘

奇峯雪積麗蒼穹自古名山號玉龍
瓊樹風生頭角動嶺雲日照爪牙雄
晴虹晃耀飛騰勢霽色光華變化工
幾度月沉天不夜恍疑捲水入湖中

東嶺夕暉

王珉

峭拔危峯劍水東斜陽一抹墜晴空
畫屏倒影高低映翠黛餘光遠近同
入谷漸隨寒霧盡啣山相伴晚霞紅
明朝暮色還依舊應訝雲巢一氣通

海門秋月

王珉

煙波浩蕩海門開
涼月娟娟海上來
水鏡影含蛟室
冷玉壺光飲唇樓
摧一輪水底流陰魄
五色濤中絕瘴埃
我欲乘槎上牛斗
九天雨露滴三臺

石寶靈泉

王珉

石寶山頭瑞氣氤
清泉一派出雲根
涓涓浮彩松間
去脉脉流光石上分
飲啜頓能消瘴熱
賞觀應覺滌炎氛
更誇漱玉聲長在
淨慮須教洗耳聞

海面漁燈

王珉

沉沉海國夜漠漠幾點漁燈落水晶
光燭雪濤星彩動影搖白練浪花明
龍宮火樹開金炬鯨室神珠漾赤晴
釣艇不須尋海道順流今夕到蓬瀛

郊邊牧笛

王珉

春藹郊原景物熙牧童弄玉夕陽遲
風飄嘹亮杏花發烟暝淒清楊柳垂
牛背雲隨裂石調樹邊鳥聽落梅詞
欲將扣角歌中意仙笛應教甯戚吹

石竇道中

李元陽

翠蓋蒼帷松路涼雜花千樹襲衣香
踏平麓坂便乘